

মিশকাতুল মাসাবীহ (মিশকাত)

হাদিস নাম্বারঃ ৬১২৬

পর্ব-৩০: মান-মর্যাদা (كتاب المناقب)

পরিচ্ছেদঃ দ্বিতীয় অনুচ্ছেদ - আশারাহ মুবাক্কাত রাযিয়াল্লাহু আনহুমা-এর মর্যাদা ও বৈশিষ্ট্য

الْفَصْلُ الثَّانِي (بَابُ مَنَاقِبِ الْعَشْرَةِ رَضِيَ اللَّهُ عَنْهُمْ)

আরবী

وَعَنْ عَلِيِّ رَضِيَ اللَّهُ عَنْهُ قَالَ: مَا جَمَعَ رَسُولُ اللَّهِ صَلَّى اللَّهُ عَلَيْهِ وَسَلَّمَ أَبَاهُ وَأُمَّهُ إِلَّا لِسَعْدٍ قَالَ لَهُ يَوْمَ أُحُدٍ: «أَرَمَ فَدَاكَ أَبِي وَأُمِّي» وَقَالَ لَهُ: «أَرَمَ أَيُّهَا الْغُلَامُ الْحَزُورُ». رَوَاهُ التِّرْمِذِيُّ

اسناده ضعيف ، رواه الترمذی (3753 ، 2829 وقال : حسن صحيح) * فيه سفيان بن عيينة وهو مدلس عنعن وكان يدلس عن الثقات و الضعفاء و المدلسين كما حققته في تخريج الفتن و الملاحم ، و قوله : ” ارم ايها الغلام الحزور “ سنده ضعيف و باقى الحديث صحيح بالشواهد

বাংলা

৬১২৬-[১৯] 'আলী (রাঃ) হতে বর্ণিত। তিনি বলেন, রাসূলুল্লাহ (সা.) তাঁর মা-বাপকে একত্রে উৎসর্গ হওয়ার কথা সা'দ ছাড়া আর কারো জন্য উচ্চারণ করেননি। তিনি উল্লেখের দিন তাকে কেন্দ্র করে বললেন, তীর নিষ্ক্ষেপ কর হে বাহাদুর যুবক! আমার পিতা ও আমার মাতা তোমার জন্য কুরবান হোন। (তিরমিযী)

ফুটনোট

সহীহ: তিরমিযী ২৮৩০, সহীহ আল আদাবুল মুফরাদ ৬২১, মুসনাদে আহমাদ ১১৪৭, আবু ইয়া'লা ৪২২, সহীহ ইবনু হিব্বান ৬৯৮৮, আস্ সুনানুল কুবরা লিন্ নাসায়ী ১০০৩১, আল মু'জামুল কাবীর লিত্ব তবারানী ৩১৯, আল মু'জামুল আওসাত্ব ৫৬২৭, আস্ সুনানুল কুবরা লিল বায়হাকী ১৮৯৮২, আল আদাবুল মুফরাদ ৮০৪।

ব্যাক্য

ব্যাখ্যা: (أَرْمِ فِدَاكَ أَبِي وَأُمِّي) আবদুর রহমান মুবারকপুরী (রহিমাহুল্লাহ) বলেন, উক্ত হাদীস দ্বারা প্রমাণিত হয় যে, পিতা-মাতা উভয়কে একত্রে ‘ফিদা বা উৎসর্গ করা বৈধ। এ মত পোষণ করেন জমহুর বা অধিকাংশ ‘আলিমগণ। কিন্তু এ মতের বিরোধিতা করেছেন ‘উমার ইবনুল খত্ভাব (রাঃ), হাসান বাসরী (রহিমাহুল্লাহ) ও কতিপয় ‘আলিমবৃন্দ এবং কোন মুসলিম তার পিতা-মাতাকে উৎসর্গ করুক এটা তারা অপছন্দ করেছেন। তবে সঠিক মত হলো সাধারণত এমনটি করা বৈধ। কেননা এর দ্বারা প্রকৃত উৎসর্গ করা হয় না। এটা শুধুমাত্র একটি কথা, সম্পর্ক ও তার জন্য ভালোবাসা প্রকাশ করা হয়।

ইমাম নবাবী (রহিমাহুল্লাহ) বলেন, সাধারণত ‘ফিদা বা উৎসর্গ সংক্রান্ত অনেক হাদীস বর্ণিত হয়েছে যা বৈধতার প্রতি প্রমাণ বহন করে। (তুহফাতুল আহওয়াযী হা. ৩৭৬৪)

(أَرْمِ أَيْهَا الْغُلَامِ الْحُزُور) নিহায়াহ্ গ্রন্থকার বলেন, গোলাম হলো যে ব্যক্তি বাল্যেগের কাছাকাছি বয়সে পৌঁছে। সাইয়িদ জামালুদ্দীন (রহিমাহুল্লাহ) বলেন, এখানে প্রকৃত অর্থ হলো যুবক, কেননা সা'দ যুদ্ধের সময় বাল্যে বয়স পার করেছিলেন। (মিরকাতুল মাফাতীহ)

হাদিসের মান: সহিহ (Sahih) পুনঃনিরীক্ষিত

পাবলিশারঃ হাদিস একাডেমি □ বর্ণনাকারীঃ আলী ইবনু আবী তালিব (রাঃ)

🔗 Link — <https://www.hadithbd.com/hadith/link/?id=86102>

📖 হাদিসবিডির প্রজেক্টে অনুদান দিন